

上海市闵行区卫生健康委员会文件

闵卫发〔2024〕56号

关于印发《2024年“尚典杯”中医经典 背诵大赛方案》的通知

区医学会、各相关医疗机构：

为加快推进“闵行区国家中医药传承创新发展试验区”建设，切实提高医务人员中医经典临床应用能力，激发广大医务人员学习中医经典的热情，推动中医文化的传承与发展，在全区营造“尚经典、学经典、背经典、用经典”的良好氛围，我委制定了《2024年“尚典杯”中医经典背诵大赛方案》，现印发给你们，请遵照执行。

上海市闵行区卫生健康委员会

2024年6月26日

2024 年“尚典杯”中医经典背诵大赛方案

为加快推进“闵行区国家中医药传承创新发展试验区”建设，切实提高医务人员中医经典临床应用能力，激发广大医务人员学习中医经典的热情，推动中医文化的传承与发展，在全区营造“尚经典、学经典、背经典、用经典”的良好氛围，拟举办 2024 年“尚典杯”中医经典背诵大赛。

一、赛事组织

指导单位：上海中医药大学中医学院

上海中医药大学附属龙华医院

主办单位：上海市闵行区卫生健康委员会

上海市闵行区中医药发展办公室

承办单位：上海市闵行区医学会

二、大赛主题

弘扬中医经典，传承岐黄薪火。

三、参赛对象

全区区属公立医疗机构及部分社会办医疗机构在岗中医类别执业医师或已完成“西学中”登记备案的人员。

四、大赛范围

中医经典著作《伤寒论》

五、大赛内容及范围

比赛分预赛及决赛。预赛阶段，由各医疗机构自行组织内部选拔，同时积极发动单位人员参与经典知识线上答题活动；决赛阶段分理论考试、知识竞答及风采展示等 3 部分。

（一）预赛阶段

1. 内部选拔。各医疗机构组织内部选拔，方式不限。每支队伍 3 人组成，以医疗机构为单位报名参赛。

2. 线上答题。各医疗机构积极发动中医类别执业医师及完成“西学中”登记备案的医师参与经典知识线上答题，在全区营造学习弘扬中医经典的氛围。各医疗机构人员线上答题参与情况将按相应权重纳入决赛总分。

（二）决赛阶段

所有试题均出自《伤寒论》等级考试 A 级条文（必须掌握的内容），条文需要从背诵、析义、方药等多方面综合理解与记忆。

1. 理论考试。围绕经典条文、方药组成等开展理论考试，题型为单选题、是非题、默写题。所有选手以个人形式参赛，考试时间 1 小时，满分 100 分。团队成绩由 3 位选手成绩总分合计而成。根据理论考试结果，选出 6-8 支团队参加知识竞答及风采展示。

2. 知识竞答。以团队形式比赛，参赛队同台竞答，形式分为必答题、抢答题等。

必答题：考察参赛选手经典条文背诵能力和方药掌握能力。参赛队抽签确定自己的题组号。每组题有 6 小题，每位

选手回答 2 小题。每小题均有提示语，每小题 5 分。由主持人依据答案进行评判，参赛队答题正确每题得 5 分，答题错误、超时等均不得分也不扣分。

抢答题：考察参赛选手灵活应变能力和知识点熟练掌握情况。以参赛队为单位，答题正确得 10 分，答题不正确扣 5 分，违规抢答视作答题不正确。此环节由评审专家对参赛队答题情况进行评判，合议后给出得分。

3. 风采展示。对《伤寒论》中某段原文临床应用体悟进行风采展示。各团队围绕经典原文，结合临床实践中的运用，阐述心得体会或者典型案例（展示形式不限），每队限时 5 分钟。由评审专家对风采展示的学术性、逻辑性和观赏性综合评判打分，取平均值得分。

（三）评分规则

团体分：线上答题、理论考试、知识竞答和风采展示按照预先设定的规则和权重（线上答题 10%、理论考试 30%、知识竞答 40%、风采展示 20%）折算后，得出每支队伍最终成绩。

个人分：按照理论考试和知识竞答（必答题）得分累计计入个人成绩。

六、赛程安排

（一）启动阶段（6 月）：制定《2024 年“尚典杯”中医经典背诵大赛方案》。组织开展形式多样的宣传、营造学习弘扬中医经典的浓郁氛围。

(二) 初赛阶段(7-8月中旬): 各医疗机构根据活动方案广泛发动本单位相关人员参加知识竞赛线上答题环节。认真遴选推选团队代表本单位参加决赛。并于8月12日前将本单位参赛人员和领队信息表上报至区卫健委中医与教科邮箱(mwzyyjkj@shmh.gov.cn)

(三) 决赛阶段(8月下旬-10月): 组织召开全区大赛, 具体地点另行通知。(8月下旬集中理论考试, 10月举办现场知识竞答、风采展示)

七、参赛名额分配

以组队形式参赛, 每家单位推选1支队伍参赛, 每支队伍由3名中医类别执业医师组成。如有“西学中”人员组队参赛, 则可再另外增加1支参赛队伍名额。

原则上组队后参赛人员不得随意更换。

八、奖项设置

决赛结果按照各参赛队总分从高到低, 设置团体一等奖1名、二等奖2名、三等奖3名、优胜奖若干名; 个人一等奖1名、二等奖2名、三等奖3名, 颁发荣誉证书。

九、组织保障

由相关人员组成综合组、裁判组、赛务组等, 负责赛事方案制定、组织专家命题、赛事组织、赛务保障等工作。

(一) 闵行区卫生健康委员会

(二) 负责牵头制定大赛实施方案，综合协调整体工作，指导推进方案实施。加大宣传，不断增强人民群众对中医药经典知识的认同感和获得感。

(二) 区医学会

负责赛事工作具体推进落实，做好赛事组织和赛务保障。对大赛活动评选出的获奖单位和个人进行表彰。

(三) 各医疗机构

高度重视中医药经典背诵大赛工作，在单位内广泛宣传动员，积极营造爱中医、学中医、用中医的良好氛围。

开属性：主动公开

上海市闵行区卫生健康委员会办公室

2024 年 6 月 27 日

印发

《伤寒论》A 级条文

伤寒论原文采用**宋版顺序**，按十章分为 A、B、C、D 四个等级，本次大赛 A 级条文需要从背诵、析义、方药等多方面综合理解与记忆。

第一章 辨太阳病脉证并治上

太阳之为病，脉浮，头项强痛而恶寒。（1）

太阳病，发热，汗出，恶风，脉缓者，名为中风。（2）

太阳病，或已发热，或未发热，必恶寒，体痛，呕逆，脉阴阳俱紧者，名为伤寒。（3）

伤寒一日，太阳受之，脉若静者，为不传；颇欲吐，若躁烦，脉数急者，为传也。（4）

太阳中风，阳浮而阴弱，阳浮者，热自发，阴弱者，汗自出，啬啬恶寒，淅淅恶风，翕翕发热，鼻鸣干呕者，桂枝汤主之。（12）

桂枝_{三两，去皮} 芍药_{三两} 甘草_{二两，炙} 生姜_{三两，切} 大枣_{十二枚，擘}

上五味，㕮咀三味，以水七升，微火煮取三升，去滓，适寒温，服一升。服已须臾，歠热稀粥一升余，以助药力。温覆令一时许，遍身𦠈𦠈微似有汗者益佳，不可令如水流漓，病必不除。若一服汗出病差，停后服，不必尽剂。若不汗，更服依前法。又不汗，后服小促其间。半日许，令三服尽。若病重者，一日一夜服，周时观之。服一剂尽，病证犹在者，更作服。若汗不出，乃服至二、三剂，禁生冷、粘滑、肉面、五辛、酒酪、臭恶等物。

太阳病，头痛，发热，汗出，恶风，桂枝汤主之。（13）

太阳病，项背强几几，反汗出恶风者，桂枝加葛根汤主之。（14）

葛根_{四两} 麻黄_{三两，去节} 芍药_{二两} 生姜_{三两，切} 甘草_{二两，炙}

大枣_{十二枚，擘} 桂枝_{二两，去皮}

上七味，以水一斗，先煮麻黄、葛根，减二升，去上沫，内诸药，

煮取三升，去滓。温服一升，覆取微似汗，不须歠粥，余如桂枝法将息及禁忌。

臣亿等谨按：仲景本论，太阳中风自汗用桂枝，伤寒无汗用麻黄，今证云汗出恶风，而方中有麻黄，恐非本意也。第三卷有葛根汤证，云无汗、恶风，正与此方同，是合用麻黄也。此云桂枝加葛根汤，恐是桂枝中但加葛根耳。

太阳病三日，已发汗，若吐、若下、若温针，仍不解者，此为坏病，桂枝不中与之也。观其脉证，知犯何逆，随证治之。桂枝本为解肌，若其人脉浮紧，发热汗不出者，不可与之也。常须识此，勿令误也。（16）

太阳病，发汗，遂漏不止，其人恶风，小便难，四肢微急，难以屈伸者，桂枝加附子汤主之。（20）

桂枝_{三两，去皮} 芍药_{三两} 甘草_{三两，炙} 生姜_{三两，切} 大枣_{十二枚，擘}

附子_{一枚，炮，去皮，破八片}

上六味，以水七升，煮取三升，去滓，温服一升。本云：桂枝汤今加附子，将息如前法。

服桂枝汤，大汗出后，大烦渴不解，脉洪大者，白虎加人参汤主之。（26）

知母_{六两} 石膏_{一斤，碎，绵裹} 甘草_{二两，炙} 粳米_{六合} 人参_{三两}

上五味，以水一斗，煮米熟汤成，去滓，温服一升，日三服。

第二章 辨太阳病脉证并治中

太阳病，项背强几几，无汗恶风，葛根汤主之。（31）

葛根_{四两} 麻黄_{三两，去节} 桂枝_{二两，去皮} 生姜_{三两，切} 甘草_{二两，炙}
芍药_{二两} 大枣_{十二枚，擘}

上七味，以水一斗，先煮麻黄、葛根，减二升，去白沫，内诸药，煮取三升，去滓，温服一升。覆取微似汗，余如桂枝法将息及禁忌。诸汤皆仿此。

太阳与阳明合病者，必自下利，葛根汤主之。（32）

太阳与阳明合病，不下利但呕者，葛根加半夏汤主之。（33）

葛根_{四两} 麻黄_{三两，去节} 甘草_{二两，炙} 芍药_{二两} 桂枝_{二两，去皮}
生姜_{二两，切} 半夏_{半升，洗} 大枣_{十二枚，擘}

上八味，以水一斗，先煮麻黄、葛根，减二升，去白沫。内诸药，煮取三升，去滓，温服一升。覆取微似汗。

太阳病，桂枝证，医反下之，利遂不止，脉促者，表未解也；喘而汗出者，葛根黄芩黄连汤主之。（34）

葛根_{半斤} 甘草_{二两，炙} 黄芩_{三两} 黄连_{三两}

上四味，以水八升，先煮葛根，减二升，内诸药，煮取二升，去滓，分温再服。

太阳病，头痛，发热，身疼，腰痛，骨节疼痛，恶风，无汗而喘者，麻黄汤主之。（35）

麻黄_{三两，去节} 桂枝_{二两，去皮} 甘草_{一两，炙} 杏仁_{七十个，去皮尖}

上四味，以水九升，先煮麻黄，减二升，去上沫，内诸药，煮取二升半，去滓，温服八合。覆取微似汗，不须歠粥，余如桂枝法将息。

太阳中风，脉浮紧，发热恶寒，身疼痛，不汗出而烦躁者，大青龙汤主之。若脉微弱，汗出恶风者，不可服之。服之则厥逆，筋惕肉瞤，此为逆也。（38）

麻黄_{六两，去节} 桂枝_{二两，去皮} 甘草_{二两，炙} 杏仁_{四十个，去皮尖} 生姜_{三两，切}
大枣_{十枚，擘} 石膏_{如鸡子大，碎}

上七味，以水九升，先煮麻黄，减二升，去上沫，内诸药，煮取三升，去滓，温服一升，取微似汗。汗出多者，温粉粉之。一服汗者，停后服。若复服，汗多亡阳，遂虚，恶风，烦躁，不得眠也。

伤寒脉浮缓，身不疼但重，乍有轻时，无少阴证者，大青龙汤发之。（39）

伤寒表不解，心下水气，干呕发热而咳，或渴，或利，或噎，或小便不利、少腹满，或喘者，小青龙汤主之。（40）

麻黄_{去节} 芍药 细辛 干姜 甘草_炙 桂枝_{去皮，各三两}
五味子_{半升，洗} 半夏_{半升，洗}

上八味，以水一斗，先煮麻黄，减二升，去上沫，内诸药，煮取三升，去滓，温服一升。若渴，去半夏，加栝楼根三两；若微利，去麻黄，加薤白，如一鸡子，熬令赤色；若噎者，去麻黄，加附子一枚，炮；若小便不利、少腹满者，去麻黄，加茯苓四两；若喘，去麻黄，加杏仁半升，去皮尖。且薤白不治利，麻黄主喘，今此语反之，疑非仲景意。

臣亿等谨按：小青龙汤大要治水。又按《本草》，薤白下十二水，若水去利则止也。又按《千金》，形肿者应内麻黄，乃内杏仁者，以麻黄发其阳故也。以此证之，岂非仲景意也。

伤寒心下水气，咳而微喘，发热不渴。服汤已渴者，此寒去欲解也。小青龙汤主之。（41）

下之后，复发汗，昼日烦躁不得眠，夜而安静，不呕，不渴，无表证，脉沉微，身无大热者，干姜附子汤主之。（61）

干姜_{一两} 附子_{一枚，生用，去皮，切八片}

上二味，以水三升，煮取一升，去滓，顿服。

发汗后，身疼痛，脉沉迟者，桂枝加芍药生姜各一两、人参三两新加汤主之。（62）

桂枝_{三两，去皮} 芍药_{四两} 甘草_{二两，炙} 人参_{三两} 大枣_{十二枚，擘} 生姜_{四两}

上六味，以水一斗二升，煮取三升，去滓，温服一升。本云，桂枝汤，今加芍药、生姜、人参。

发汗后，不可更行桂枝汤，汗出而喘，无大热者，可与麻黄杏仁甘草石膏汤。（63）

麻黄_{四两，去节} 杏仁_{五十个，去皮尖} 甘草_{二两，炙} 石膏_{半斤，绵裹}

上四味，以水七升，煮麻黄，减二升，去上沫，内诸药，煮取二升，去滓，温服一升。本云，黄耳杯。

发汗过多，其人叉手自冒心，心下悸，欲得按者，桂枝甘草汤主之。（64）

桂枝_{四两，去皮} 甘草_{二两，炙}

上二味，以水三升，煮取一升，去滓，顿服。

发汗后，其人脐下悸者，欲作奔豚，茯苓桂枝甘草大枣汤主之。

（65）

茯苓_{半斤} 桂枝_{四两，去皮} 甘草_{二两，炙} 大枣_{十五枚，擘}

上四味，以甘澜水一斗，先煮茯苓，减二升，内诸药。煮取三升，去滓，温服一升，日三服。

作甘澜水法：取水二斗，置大盆内，以杓扬之，水上有珠子五六千颗相逐，取用之。

发汗后，腹胀满者，厚朴生姜半夏甘草人参汤主之。（66）

厚朴_{半斤，炙，去皮} 生姜_{半斤，切} 半夏_{半升，洗} 甘草_{二两，炙} 人参_{一两}

上五味，以水一斗，煮取三升，去滓，温服一升，日三服。

伤寒若吐、若下后，心下逆满，气上冲胸，起则头眩，脉沉紧，

发汗则动经，身为振振摇者，茯苓桂枝白术甘草汤主之。（67）

茯苓_{四两} 桂枝_{三两，去皮} 白术 甘草_{炙，各二两}

上四味，以水六升，煮取三升，去滓，分温三服。

发汗，若下之，病仍不解，烦躁者，茯苓四逆汤主之。（68）

茯苓_{四两} 人参_{一两} 附子_{一枚，生用，去皮，破八片} 甘草_{二两，炙} 干姜_{一两半}

上五味，以水五升，煮取三升，去滓，温服七合，日二服。

太阳病，发汗后，大汗出，胃中干，烦躁不得眠，欲得饮水者，少少与饮之，令胃气和则愈。若脉浮，小便不利，微热消渴者，五苓散主之。（71）

猪苓_{十八铢，去皮} 泽泻_{一两六铢} 白术_{十八铢} 茯苓_{十八铢} 桂枝_{半两，去皮}

上五味，捣为散，以白饮和服方寸匕，日三服，多饮暖水，汗出愈，如法将息。

发汗已，脉浮数，烦渴者，五苓散主之。（72）

中风发热，六七日不解而烦，有表里证，渴欲饮水，水入即吐者，名曰水逆，五苓散主之。（74）

发汗后，水药不得入口为逆，若更发汗，必吐下不止。发汗吐下后，虚烦不得眠，若剧者，必反复颠倒，心中懊憹，栀子豉汤主之；若少气者，栀子甘草豉汤主之；若呕者，栀子生姜豉汤主之。（76）

栀子豉汤方

栀子_{十四个，擘} 香豉_{四合，绵裹}

上二味，以水四升，先煮栀子，得二升半，内豉，煮取一升半，去滓，分为二服，温进一服。得吐者，止后服。

栀子甘草豉汤方

栀子_{十四个，擘} 甘草_{二两，炙} 香豉_{四合，绵裹}

上三味，以水四升，先煮栀子、甘草，取二升半，内豉，煮取一升半，去滓，分二服，温进一服。得吐者，止后服。

梔子生姜豉汤方

梔子_{十四个，擘} 生姜_{五两} 香豉_{四合，绵裹}

上三味，以水四升，先煮梔子、生姜，取二升半，内豉，煮取一升半，去滓，分二服，温进一服。得吐者，止后服。

发汗若下之，而烦热胸中窒者，梔子豉汤主之。（77）

伤寒五六日，大下之后，身热不去，心中结痛者，未欲解也，梔子豉汤主之。（78）

太阳病发汗，汗出不解，其人仍发热，心下悸，头眩，身瞤动，振振欲擗地者，真武汤主之。（82）

茯苓 芍药 生姜_{切，各三两} 白术_{二两} 附子_{一枚，炮，去皮，破八片}

上五味，以水八升，煮取三升，去滓，温服七合，日三服。

太阳病，发热汗出者，此为荣弱卫强，故使汗出，欲救邪风者，宜桂枝汤。（95）

伤寒五六日中风，往来寒热，胸胁苦满，嘿嘿不欲饮食，心烦喜呕，或胸中烦而不呕，或渴，或腹中痛，或胁下痞硬，或心下悸、小便不利，或不渴、身有微热，或咳者，小柴胡汤主之。（96）

柴胡_{半斤} 黄芩_{三两} 人参_{三两} 半夏_{半升，洗} 甘草_炙

生姜_{切，各三两} 大枣_{十二枚，擘}

上七味，以水一斗二升，煮取六升，去滓，再煎取三升，温服一升，日三服。若胸中烦而不呕者，去半夏、人参，加枳实一枚；若渴，去半夏，加人参合前成四两半、枳实根四两；若腹中痛者，去黄芩，加芍药三两；若胁下痞硬，去大枣，加牡蛎四两；若心下悸、小便不利者，去黄芩，加茯苓四两；若不渴、外有微热者，去人参，加桂枝三两，温覆微汗愈；若咳者，去人参、大枣、生姜，加五味子半升、干姜二两。

伤寒，阳脉涩，阴脉弦，法当腹中急痛，先与小建中汤，不差者，

小柴胡汤主之。（100）

桂枝_{三两，去皮} 甘草_{二两，炙} 大枣_{十二枚，擘} 芍药_{六两} 生姜_{三两，切} 胶饴_{一升}

上六味，以水七升，煮取三升，去滓，内饴，更上微火消解，温服一升，日三服。呕家不可用建中汤，以甜故也。

伤寒中风，有柴胡汤证，但见一证便是，不必悉具。凡柴胡汤病证而下之，若柴胡证不罢者，复与柴胡汤，必蒸蒸而振，却复发热汗出而解。（101）

伤寒二三日，心中悸而烦者，小建中汤主之。（102）

太阳病，过经十余日，反二三下之，后四五日，柴胡证仍在者，先与小柴胡。呕不止，心下急，郁郁微烦者，为未解也，与大柴胡汤下之则愈。（103）

柴胡_{半斤} 黄芩_{三两} 芍药_{三两} 半夏_{半升，洗} 生姜_{五两，切}

枳实_{四枚，炙} 大枣_{十二枚，擘}

上七味，以水一斗二升，煮取六升，去滓，再煎，温服一升，日三服。一方加大黄二两，若不加，恐不为大柴胡汤。

太阳病不解，热结膀胱，其人如狂，血自下，下者愈。其外不解者，尚未可攻，当先解其外，外解已，但少腹急结者，乃可攻之，宜桃核承气汤。（106）

桃仁_{五十个，去皮尖} 大黄_{四两} 桂枝_{二两，去皮} 甘草_{二两，炙} 芒硝_{二两}

上五味，以水七升，煮取二升半，去滓，内芒硝，更上火，微沸下火，先食温服五合，日三服，当微利。

伤寒八九日，下之，胸满烦惊，小便不利，谵语，一身尽重，不可转侧者，柴胡加龙骨牡蛎汤主之。（107）

柴胡_{四两} 龙骨 黄芩 生姜_切 铅丹 人参 桂枝_{去皮}

茯苓_{各一两半} 半夏_{二合半，洗} 大黄_{二两} 牡蛎_{一两半，熬} 大枣_{六枚，擘}

上十二味，以水八升，煮取四升，内大黄，切如碇子，更煮一两

沸，去滓，温服一升。本云，柴胡汤今加龙骨等。

伤寒脉浮，医以火迫劫之，亡阳。必惊狂，卧起不安者，桂枝去芍药加蜀漆牡蛎龙骨救逆汤主之。（112）

桂枝_{三两，去皮} 甘草_{二两，炙} 生姜_{三两，切} 大枣_{十二枚，擘} 牡蛎_{五两，熬}
蜀漆_{三两，洗去腥} 龙骨_{四两}

上七味，以水一斗二升，先煮蜀漆，减二升，内诸药，煮取三升，去滓，温服一升。本云桂枝汤，今去芍药加蜀漆、牡蛎、龙骨。

烧针令其汗，针处被寒，核起而赤者，必发奔豚。气从少腹上冲心者，灸其核上各一壮，与桂枝加桂汤更加桂二两也。（117）

桂枝_{五两，去皮} 芍药_{三两} 生姜_{三两，切} 甘草_{二两，炙} 大枣_{十二枚}

上五味，以水七升，煮取三升，去滓，温服一升。本云，桂枝汤今加桂满五两。所以加桂者，以能泄奔豚气也。

火逆下之，因烧针烦躁者，桂枝甘草龙骨牡蛎汤主之。（118）

桂枝_{一两，去皮} 甘草_{二两，炙} 牡蛎_{二两，熬} 龙骨_{二两}

上四味，以水五升，煮取二升半，去滓，温服八合，日三服。

太阳病六七日，表证仍在，脉微而沉，反不结胸，其人发狂者，以热在下焦，少腹当硬满，小便自利者，下血乃愈。所以然者，以太阳随经，瘀热在里故也。抵当汤主之。（124）

水蛭_熬 虻虫_{各三十个，去翅足，熬} 桃仁_{二十个，去皮尖} 大黄_{三两，酒洗}

上四味，以水五升，煮取三升，去滓，温服一升，不下，更服。

太阳病身黄，脉沉结，少腹硬，小便不利者，为无血也。小便自利，其人如狂者，血证谛也，抵当汤主之。（125）

伤寒有热，少腹满，应小便不利，今反利者，为有血也，当下之，不可余药，宜抵当丸。（126）

水蛭_{二十个，熬} 虻虫_{二十个，去翅足，熬} 桃仁_{二十五个，去皮尖} 大黄_{三两}

上四味，捣分四丸，以水一升，煮一丸，取七合服之，晡时当下

血，若不下者，更服。

第三章 辨太阳病脉证并治下

伤寒六七日，结胸热实，脉沉而紧，心下痛，按之石硬者，大陷胸汤主之。（135）

伤寒十余日，热结在里，复往来寒热者，与大柴胡汤，但结胸，无大热者，此为水结在胸胁也，但头微汗出者，大陷胸汤主之。（136）

大柴胡汤方

柴胡_{半斤} 枳实_{四枚，炙} 生姜_{五两，切} 黄芩_{三两} 芍药_{三两} 半夏_{半升，洗}
大枣_{十二枚，擘}

上七味，以水一斗二升，煮取六升，去滓，再煎，温服一升，日三服，一方加大黄二两，若不加，恐不名大柴胡汤。

太阳病，重发汗而复下之，不大便五六日，舌上燥而渴，日晡所小有潮热，从心下至少腹硬满而痛，不可近者，大陷胸汤主之。（137）

黄连_{一两} 半夏_{半升，洗} 栝楼实_{大者一枚}

上三味，以水六升，先煮栝楼，取三升，去滓，内诸药，煮取二升，去滓，分温三服。

小结胸病，正在心下，按之则痛，脉浮滑者，小陷胸汤主之。（138）

伤寒六七日，发热微恶寒，支节烦疼，微呕，心下支结，外证未去者，柴胡桂枝汤主之。（146）

桂枝_{一两半，去皮} 黄芩_{一两半} 人参_{一两半} 甘草_{一两，炙} 半夏_{二合半，洗}
芍药_{一两半} 大枣_{六枚，擘} 生姜_{一两半，切} 柴胡_{四两}

上九味，以水七升，煮取三升，去滓，温服一升，本云人参汤，作如桂枝法，加半夏、柴胡、黄芩，复如柴胡法。今用人参作半剂。

伤寒五六日，已发汗而复下之，胸胁满微结，小便不利，渴而不呕，但头汗出，往来寒热，心烦者，此为未解也，柴胡桂枝干姜汤主之。（147）

柴胡_{半斤} 桂枝_{三两，去皮} 干姜_{二两} 栝楼根_{四两} 黄芩_{三两}

牡蛎_{二两，熬} 甘草_{二两，炙}

上七味，以水一斗二升，煮取六升，去滓，再煎取三升，温服一升，日三服，初服微烦，复服汗出便愈。

伤寒五六日，呕而发热者，柴胡汤证具，而以他药下之，柴胡证仍在者，复与柴胡汤。此虽已下之，不为逆，必蒸蒸而振，却发热汗出而解。若心下满而硬痛者，此为结胸也，大陷胸汤主之。但满而不痛者，此为痞，柴胡不中与之，宜半夏泻心汤。（149）

半夏泻心汤方

半夏_{半升，洗} 黄芩 干姜 人参 甘草_{炙，各三两} 黄连_{一两} 大枣_{十二枚，擘}

上七味，以水一斗，煮取六升，去滓，再煎取三升，温服一升，日三服。

心下痞，按之濡，其脉关上浮者，大黄黄连泻心汤主之。（154）

大黄_{二两} 黄连_{一两}

上二味，以麻沸汤二升渍之，须臾绞去滓，分温再服。

臣亿等看详大黄黄连泻心汤，诸本皆二味，又后附子泻心汤，用大黄、黄连、黄芩、附子，恐是前方中亦有黄芩，后但加附子也，故后云附子泻心汤，本云加附子也。

心下痞，而复恶寒汗出者，附子泻心汤主之。（155）

大黄_{二两} 黄连_{一两} 黄芩_{一两} 附子_{一枚，炮，去皮，破，别煮取汁}

上四味，切三味，以麻沸汤二升渍之，须臾绞去滓，内附子汁，分温再服。

伤寒汗出解之后，胃中不和，心下痞硬，干噫食臭，胁下有水气，腹中雷鸣，下利者，生姜泻心汤主之。（157）

生姜_{四两，切} 甘草_{三两，炙} 人参_{三两} 干姜_{一两} 黄芩_{三两} 半夏_{半升，洗}

黄连_{一两} 大枣_{十二枚，擘}

上八味，以水一斗，煮取六升，去滓，再煎取三升，温服一升，

日三服。附子泻心汤，本云加附子。半夏泻心汤、甘草泻心汤，同体别名耳。生姜泻心汤，本云理中人参黄芩汤，去桂枝、术，加黄连并泻肝法。

伤寒中风，医反下之，其人下利日数十行，谷不化，腹中雷鸣，心下痞硬而满，干呕心烦不得安，医见心下痞，谓病不尽，复下之，其痞益甚，此非结热，但以胃中虚，客气上逆，故使硬也，甘草泻心汤主之。（158）

甘草_{四两，炙} 黄芩_{三两} 干姜_{三两} 半夏_{半升，洗} 大枣_{十二枚，擘} 黄连_{一两}

上六味，以水一斗，煮取六升，去滓，再煎取三升，温服一升，日三服。

臣亿等谨按：……是半夏、生姜、甘草泻心三方，皆本于理中也，其方必各有人参，今甘草泻心中无者，脱落之也。又按《千金》并《外台秘要》，治伤寒匿食用此方皆有人参，知脱落无疑。

伤寒服汤药，下利不止，心下痞硬。服泻心汤已，复以他药下之，利不止，医以理中与之，利益甚。理中者，理中焦，此利在下焦，赤石脂禹余粮汤主之。复不止者，当利其小便。（159）

赤石脂_{一斤，碎} 太一禹余粮_{一斤，碎}

上二味，以水六升，煮取二升，去滓，分温三服。

伤寒发汗，若吐若下，解后心下痞硬，噫气不除者，旋复代赭汤主之。（161）

旋覆花_{三两} 人参_{二两} 生姜_{五两} 代赭_{一两} 甘草_{三两} 半夏_{半升，洗}

大枣_{十二枚，擘}

上七味，以水一斗，煮取六升，去滓，再煎取三升，温服一升，日三服。

下后不可更行桂枝汤，若汗出而喘，无大热者，可与麻黄杏子甘草石膏汤。（162）

麻黄_{四两} 杏仁_{五十个，去皮尖} 甘草_{二两，炙} 石膏_{半斤，碎，绵裹}

上四味，以水七升，先煮麻黄，减二升，去白沫，内诸药，煮取三升，去滓，温服一升。本云黄耳杯。

太阳病，外证未除，而数下之，随协热而利，利下不止，心下痞硬，表里不解者，桂枝人参汤主之。（163）

桂枝_{四两，别切} 甘草_{四两，炙} 白术_{三两} 人参_{三两} 干姜_{三两}

上五味，以水九升，先煮四味，取五升，内桂，更煮取三升，去滓，温服一升，日再夜一服。

伤寒发热，汗出不解，心中痞硬，呕吐而下利者，大柴胡汤主之。（165）

伤寒若吐若下后，七八日不解，热结在里，表里俱热，时时恶风，大渴，舌上干燥而烦，欲饮水数升者，白虎加人参汤主之。（168）

知母_{六两} 石膏_{一斤，碎} 甘草_{二两，炙} 人参_{二两} 粳米_{六合}

上五味，以水一斗，煮米熟汤成，去滓，温服一升，日三服。此方立夏后，立秋前乃可服。立秋后不可服；正月二月三月尚凛冷，亦不可与服之，与之则呕利而腹痛；诸亡血虚家亦不可与；得之则腹痛利者，但可温之，当愈。

伤寒无大热，口燥渴，心烦，背微恶寒者，白虎加人参汤主之。（169）

太阳与少阳合病，自下利者，与黄芩汤，若呕者，黄芩加半夏生姜汤主之。（172）

黄芩汤方

黄芩_{三两} 芍药_{二两} 甘草_{二两，炙} 大枣_{十二枚，擘}

上四味，以水一斗，煮取三升，去滓，温服一升，日再夜一服。

黄芩加半夏生姜汤方

黄芩_{三两} 芍药_{二两} 甘草_{二两，炙} 大枣_{十二枚，擘} 半夏_{半升，洗}

生姜_{一两半（一方三两，切）}

上六味，以水一斗，煮取三升，去滓，温服一升，日再夜一服。

伤寒胸中有热，胃中有邪气，腹中痛，欲呕吐者，黄连汤主之。

（173）

黄连_{三两} 甘草_{三两，炙} 干姜_{三两} 桂枝_{三两，去皮} 人参_{二两}

半夏_{半升，洗} 大枣_{十二枚，擘}

上七味，以水一斗，煮取六升，去滓，温服，昼三夜二。疑非仲景方。

伤寒脉结代，心动悸，炙甘草汤主之。（177）

甘草_{四两，炙} 生姜_{三两，切} 人参_{二两} 生地黄_{一斤} 桂枝_{三两，去皮}

阿胶_{二两} 麦门冬_{半升，去心} 麻仁_{半升} 大枣_{三十枚，擘}

上九味，以清酒七升，水八升，先煮八味，取三升，去滓，内胶烊消尽，温服一升，日三服。一名复脉汤。

第四章 辨阳明病脉证并治

阳明之为病，胃家实是也。（180）

问曰：阳明病外证云何？答曰：身热，汗自出，不恶寒，反恶热也。（182）

伤寒三日，阳明脉大。（186）

阳明病，不吐不下，心烦者，可与调胃承气汤。（207）

甘草_{二两，炙} 芒硝_{半升} 大黄_{四两，清酒洗}

上三味，切，以水三升，煮二物至一升，去滓，内芒硝，更上微火一两沸，温顿服之，以调胃气。

阳明病，脉迟，虽汗出不恶寒者，其身必重，短气腹满而喘，有潮热者，此外欲解，可攻里也。手足濇然汗出者，此大便已硬也，大承气汤主之；若汗多，微发热恶寒者，外未解也，一法，与桂枝汤。其热不潮，未可与承气汤；若腹大满不通者，可与小承气汤，微和胃气，勿令至大泄下。（208）

大承气汤方

大黄_{四两，酒洗} 厚朴_{半斤，炙，去皮} 枳实_{五枚，炙} 芒硝_{三合}

上四味，以水一斗，先煮二物，取五升，去滓，内大黄，更煮取二升，内芒硝，更上微火一两沸，分温再服，得下余勿服。

小承气汤方

大黄_{四两} 厚朴_{二两，炙，去皮} 枳实_{三枚，大者，炙}

上三味，以水四升，煮取一升二合，去滓，分温二服。初服汤当更衣，不尔者尽饮之，若更衣者，勿服之。

三阳合病，腹满身重，难以转侧，口不仁面垢，又作枯，一云向经。谵语遗尿。发汗则谵语；下之则额上生汗，手足逆冷。若自汗出者，白虎汤主之。（219）

知母_{六两} 石膏_{一斤，碎} 甘草_{二两，炙} 粳米_{六合}

上四味，以水一斗，煮米熟汤成，去滓。温服一升，日三服。

若渴欲饮水，口干舌燥者，白虎加人参汤主之。（222）

知母_{六两} 石膏_{一斤，碎} 甘草_{二两，炙} 粳米_{六合} 人参_{三两}

上五味，以水一斗，煮米熟汤成，去滓，温服一升，日三服。

若脉浮发热，渴欲饮水，小便不利者，猪苓汤主之。（223）

猪苓_{去皮} 茯苓 泽泻 阿胶 滑石_{碎，各一两}

上五味，以水四升，先煮四味，取二升，去滓，内阿胶烊消，温服七合，日三服。

阳明病，发潮热，大便溏，小便自可，胸胁满不去者，与小柴胡汤。（229）

柴胡_{半斤} 黄芩_{三两} 人参_{三两} 半夏_{半升，洗} 甘草_{三两，炙} 生姜_{三两，切}

大枣_{十二枚，擘}

上七味，以水一斗二升，煮取六升，去滓，再煎取三升。温服一升，日三服。

阳明病，胁下硬满，不大便而呕，舌上白胎者，可与小柴胡汤。上焦得通，津液得下，胃气因和，身濈然汗出而解。（230）

阳明病，发热汗出者，此为热越，不能发黄也。但头汗出，身无汗，剂颈而还，小便不利，渴饮水浆者，此为瘀热在里，身必发黄，茵陈蒿汤主之。（236）

茵陈蒿_{六两} 栀子_{十四枚，擘} 大黄_{二两，去皮}

上三味，以水一斗二升，先煮茵陈减六升，内二味，煮取三升，去滓，分三服。小便当利，尿如皂荚汁状，色正赤。一宿腹减，黄从小便去也。

阳明证，其人喜忘者，必有畜血。所以然者，本有久瘀血，故令喜忘，屎虽硬，大便反易，其色必黑者，宜抵当汤下之。（237）

水蛭_熬 虻虫_{去翅足，熬，各三十个} 大黄_{三两，酒洗} 桃仁_{二十个，去皮尖及两人者}

上四味，以水五升，煮取三升，去滓，温服一升，不下更服。

食谷欲呕，属阳明也，吴茱萸汤主之；得汤反剧者，属上焦也。

(243)

吴茱萸_{一升，洗} 人参_{三两} 生姜_{六两，切} 大枣_{十二枚，擘}

上四味，以水七升，煮取二升，去滓，温服七合，日三服。

趺阳脉浮而涩，浮则胃气强，涩则小便数，浮涩相搏，大便则硬，其脾为约，麻子仁主之。(247)

麻子仁_{二升} 芍药_{半斤} 枳实_{半斤，炙} 大黄_{一斤，去皮} 厚朴_{一尺，炙，去皮}

杏仁_{一升，去皮尖，熬，别作脂}

上六味，蜜和丸如梧桐子大，饮服十丸，日三服，渐加，以知为度。

太阳病三日，发汗不解，蒸蒸发热者，属胃也，调胃承气汤主之。

(248)

伤寒吐后，腹胀满者，与调胃承气汤。(249)

伤寒六七日，目中不了了，睛不和，无表里证，大便难，身微热者，此为实也，急下之，宜大承气汤。(252)

阳明病，发热汗多者，急下之，宜大承气汤。(253)

发汗不解，腹满痛者，急下之，宜大承气汤。(254)

腹满不减，减不足言，当下之，宜大承气汤。(255)

伤寒七八日，身黄如橘子色，小便不利，腹微满者，茵陈蒿汤主之。(260)

伤寒身黄发热，栀子柏皮汤主之。(261)

肥栀子_{十五个，擘} 甘草_{一两，炙} 黄蘗_{二两}

上三味，以水四升，煮取一升半，去滓，分温再服。

伤寒瘀热在里，身必黄，麻黄连轺赤小豆汤主之。(262)

麻黄_{二两，去节} 连轺_{二两，连翘根是} 杏仁_{四十个，去皮尖} 赤小豆_{一升}

大枣_{十二枚，擘} 生梓白皮_{切，一升} 生姜_{二两，切} 甘草_{二两，炙}

上八味，以潦水一斗，先煮麻黄再沸，去上沫，内诸药，煮取三升，去滓，分温三服，半日服尽。

第五章 辨少阳病脉证并治

少阳之为病，口苦，咽干，目眩也。（263）

伤寒，脉弦细，头痛发热者，属少阳。少阳不可发汗，发汗则譫语，此属胃。胃和则愈，胃不和，烦而悸。一云躁。（265）

本太阳病不解，转入少阳者，胁下硬满，干呕不能食，往来寒热，尚未吐下，脉沉紧者，与小柴胡汤。（266）

柴胡_{八两} 人参_{三两} 黄芩_{三两} 甘草_{三两，炙} 半夏_{半升，洗} 生姜_{三两，切}

大枣_{十二枚，擘}

上七味，以水一斗二升，煮取六升，去滓，再煎取三升。温服一升，日三服。

第六章 辨太阴病脉证并治

太阴之为病，腹满而吐，食不下，自利益甚，时腹自痛。若下之，必胸下结硬。（273）

太阴病，脉浮者，可发汗，宜桂枝汤。（276）

桂枝_{三两，去皮} 芍药_{三两} 甘草_{二两，炙} 生姜_{三两，切} 大枣_{十二枚，擘}

上五味，以水七升，煮取三升，去滓，温服一升。须臾，啖热稀粥一升，以助药力，温覆取汗。

自利不渴者，属太阴，以其藏有寒故也，当温之，宜服四逆辈。（277）

本太阳病，医反下之，因尔腹满时痛者，属太阴也，桂枝加芍药汤主之；大实痛者，桂枝加大黄汤主之。（279）

桂枝加芍药汤方

桂枝_{三两，去皮} 芍药_{六两} 甘草_{二两，炙} 大枣_{十二枚，擘} 生姜_{三两，切}

上五味，以水七升，煮取三升，去滓，温分三服。本云，桂枝汤，今加芍药。

桂枝加大黄汤方

桂枝_{三两，去皮} 大黄_{二两} 芍药_{六两} 生姜_{三两，切} 甘草_{二两，炙}

大枣_{十二枚，擘}

上六味，以水七升，煮取三升，去滓，温服一升，日三服。

第七章 辨少阴病脉证并治

少阴之为病，脉微细，但欲寐也。（281）

少阴病，始得之，反发热，脉沉者，麻黄细辛附子汤主之。（301）

麻黄_{二两，去节} 细辛_{二两} 附子_{一枚，炮，去皮，破八片}

上三味，以水一斗，先煮麻黄，减二升，去上沫，内诸药，煮取三升，去滓，温服一升，日三服。

少阴病，得之二三日，麻黄附子甘草汤微发汗。以二三日无证，故微发汗也。（302）

麻黄_{二两，去节} 甘草_{二两，炙} 附子_{一枚，炮，去皮，破八片}

上三味，以水七升，先煮麻黄一两沸，去上沫，内诸药，煮取三升，去滓，温服一升，日三服。

少阴病，得之二三日以上，心中烦，不得卧，黄连阿胶汤主之。（303）

黄连_{四两} 黄芩_{二两} 芍药_{二两} 鸡子黄_{二枚} 阿胶_{三两（一云三挺）}

上五味，以水六升，先煮三物，取二升，去滓，内胶烊尽，小冷，内鸡子黄，搅令相得，温服七合，日三服。

少阴病，得之一二日，口中和，其背恶寒者，当灸之，附子汤主之。（304）

附子_{二枚，炮，去皮，破八片} 茯苓_{三两} 人参_{二两} 白术_{四两} 芍药_{三两}

上五味，以水八升，煮取三升，去滓，温服一升，日三服。

少阴病，身体痛，手足寒，骨节痛，脉沉者，附子汤主之。（305）

少阴病，下利便脓血者，桃花汤主之。（306）

赤石脂_{一斤，一半全用，一半筛末} 干姜_{一两} 粳米_{一升}

上三味，以水七升，煮米令熟，去滓，温服七合，内赤石脂末方寸匕，日三服。若一服愈，余勿服。

少阴病，二三日至四五日，腹痛，小便不利，下利不止，便脓血

者，桃花汤主之。（307）

少阴病，吐利，手足逆冷，烦躁欲死者，吴茱萸汤主之。（309）

吴茱萸_{一升} 人参_{二两} 生姜_{六两，切} 大枣_{十二枚，擘}

上四味，以水七升，煮取二升，去滓，温服七合，日三服。

少阴病，下利，白通汤主之。（314）

葱白_{四茎} 干姜_{一两} 附子_{一枚，生，去皮，破八片}

上三味，以水三升，煮取一升，去滓，分温再服。

少阴病，下利脉微者，与白通汤。利不止，厥逆无脉，干呕烦者，白通加猪胆汁汤主之。服汤脉暴出者死，微续者生。（315）

白通加猪胆汁汤方

葱白_{四茎} 干姜_{一两} 附子_{一枚，生，去皮，破八片} 人尿_{五合} 猪胆汁_{一合}

上五味，以水三升，煮取一升，去滓，内胆汁、人尿，和令相得，分温再服。若无胆，亦可用。

少阴病，二三日不已，至四五日，腹痛，小便不利，四肢沉重疼痛，自下利者，此为有水气。其人或咳，或小便利，或下利，或呕者，真武汤主之。（316）

茯苓_{三两} 芍药_{三两} 白术_{二两} 生姜_{三两，切} 附子_{一枚，炮，去皮，破八片}

上五味，以水八升，煮取三升，去滓，温服七合，日三服。若咳者，加五味子半升、细辛一两、干姜一两；若小便利者，去茯苓；若下利者，去芍药，加干姜二两；若呕者，去附子，加生姜，足前为半斤。

少阴病，下利清谷，里寒外热，手足厥逆，脉微欲绝，身反不恶寒，其人面色赤，或腹痛，或干呕，或咽痛，或利止脉不出者，通脉四逆汤主之。（317）

甘草_{二两，炙} 附子_{大者一枚，生用，去皮，破八片} 干姜_{三两，强人可四两}

上三味，以水三升，煮取一升二合，去滓，分温再服，其脉即出

者愈。面色赤者，加葱九茎；腹中痛者，去葱，加芍药二两；呕者，加生姜二两；咽痛者，去芍药，加桔梗一两；利止脉不出者，去桔梗，加人参二两。病皆与方相应者，乃服之。

少阴病，四逆，其人或咳，或悸，或小便不利，或腹中痛，或泄利下重者，四逆散主之。（318）

甘草_炙 枳实_{破，水渍，炙干} 柴胡 芍药

上四味，各十分，捣筛，白饮和服方寸匕，日三服。咳者，加五味子、干姜各五分，并主下利；悸者，加桂枝五分；小便不利者，加茯苓五分；腹中痛者，加附子一枚，炮令坼；泄利下重者，先以水五升，煮薤白三升，煮取三升，去滓，以散三方寸匕内汤中，煮取一升半，分温再服。

少阴病，下利六七日，咳而呕渴，心烦不得眠者，猪苓汤主之。（319）

猪苓_{去皮} 茯苓 阿胶 泽泻 滑石_{碎，各一两}

上五味，以水四升，先煮四味，取二升，去滓，内阿胶烊尽，温服七合，日三服。

少阴病，得之二三日，口燥咽干者，急下之，宜大承气汤。（320）

枳实_{五枚，炙} 厚朴_{半斤，去皮，炙} 大黄_{四两，酒洗} 芒硝_{三合}

上四味，以水一斗，先煮二味，取五升，去滓，内大黄，更煮取二升，去滓，内芒硝，更上火令一两沸，分温再服。一服得利，止后服。

少阴病，自利清水，色纯青，心下必痛，口干燥者，可下之，宜大承气汤。_{一法用大柴胡汤。}（321）

少阴病，六七日，腹胀不大便者，急下之，宜大承气汤。（322）

少阴病，脉沉者，急温之，宜四逆汤。（323）

甘草_{二两，炙} 干姜_{一两半} 附子_{一枚，生用，去皮，破八片}

上三味，以水三升，煮取一升二合，去滓，分温再服。强人可大附子一枚，干姜三两。

第八章 辨厥阴病脉证并治

厥阴之为病，消渴，气上撞心，心中疼热，饥而不欲食，食则吐蛔，下之利不止。（326）

凡厥者，阴阳气不相顺接，便为厥。厥者，手足逆冷是也。（337）

伤寒脉微而厥，至七八日肤冷，其人躁无暂安时者，此为藏厥，非蛔厥也。蛔厥者，其人当吐蛔。令病者静，而复时烦者，此为藏寒，蛔上入其膈，故烦，须臾复止，得食而呕，又烦者，蛔闻食臭出，其人常自吐蛔。蛔厥者，乌梅丸主之。又主久利。（338）

乌梅_{三百枚} 细辛_{六两} 干姜_{十两} 黄连_{十六两} 当归_{四两} 附子_{六两，炮，去皮}
蜀椒_{四两，出汗} 桂枝_{六两，去皮} 人参_{六两} 黄蘗_{六两}

上十味，异捣筛，合治之，以苦酒渍乌梅一宿，去核，蒸之五斗米下，饭熟捣成泥，和药令相得，内臼中，与蜜杵二千下，丸如梧桐子大，先食饮服十丸，日三服，稍加至二十丸。禁生冷、滑物、臭食等。

伤寒脉滑而厥者，里有热，白虎汤主之。（350）

手足厥寒，脉细欲绝者，当归四逆汤主之。（351）

当归_{三两} 桂枝_{三两，去皮} 芍药_{三两} 细辛_{三两} 甘草_{二两，炙} 通草_{二两}
大枣_{二十五枚，擘（一法，十二枚）}

上七味，以水八升，煮取三升，去滓，温服一升，日三服。

若其人内有久寒者，宜当归四逆加吴茱萸生姜汤。（352）

当归_{三两} 芍药_{三两} 甘草_{二两，炙} 通草_{二两} 桂枝_{三两，去皮} 细辛_{三两}
生姜_{半斤，切} 吴茱萸_{二升} 大枣_{二十五枚，擘}

上九味，以水六升，清酒六升和，煮取五升，去滓，温服五服。

一方，水酒各四升。

伤寒本自寒下，医复吐下之，寒格更逆吐下，若食入口即吐，干姜黄芩黄连人参汤主之。（359）

干姜 黄芩 黄连 人参_{各三两}

上四味，以水六升，煮取二升，去滓，分温再服。

热利下重者，白头翁汤主之。（371）

白头翁_{二两} 黄蘗_{三两} 黄连_{三两} 秦皮_{三两}

上四味，以水七升，煮取二升，去滓，温服一升，不愈，更服一升。

下利欲饮水者，以有热故也，白头翁汤主之。（373）

下利谵语者，有燥屎也，宜小承气汤。（374）

大黄_{四两，酒洗} 枳实_{三枚，炙} 厚朴_{二两，去皮，炙}

上三味，以水四升，煮取一升二合，去滓，分二服。初一服谵语止，若更衣者，停后服。不尔尽服之。

干呕吐涎沫，头痛者，吴茱萸汤主之。（378）

吴茱萸_{一升，汤洗七遍} 人参_{三两} 大枣_{十二枚，擘} 生姜_{六两，切}

上四味，以水七升，煮取二升，去滓，温服七合，日三服。

呕而发热者，小柴胡汤主之。（379）

柴胡_{八两} 黄芩_{三两} 人参_{三两} 甘草_{三两，炙} 生姜_{三两，切} 半夏_{半升，洗}

大枣_{十二枚，擘}

上七味，以水一斗二升，煮取六升，去滓，更煎取三升，温服一升，日三服。

第九章 辨霍乱病脉证并治

恶寒脉微^{一作缓}而复利，利止亡血也，四逆加人参汤主之。（385）

甘草^{二两，炙} 附子^{一枚，生，去皮，破八片} 干姜^{一两半} 人参^{一两}

上四味，以水三升，煮取一升二合，去滓，分温再服。

霍乱，头痛发热，身疼痛，热多欲饮水者，五苓散主之；寒多不用水者，理中丸主之。（386）

五苓散方

猪苓^{去皮} 白术 茯苓^{各十八铢} 桂枝^{半两，去皮} 泽泻^{一两六铢}

上五味，为散，更治之，白饮和服方寸匕，日三服，多饮暖水，汗出愈。

理中丸方^{下有作汤加减法}

人参 干姜 甘草^炙 白术^{各三两}

上四味，捣筛，蜜和为丸，如鸡子黄许大。以沸汤数合，和一丸，研碎，温服之，日三四，夜二服。腹中未热，益至三四丸，然不及汤。汤法：以四物依两数切，用水八升，煮取三升，去滓，温服一升，日三服。若脐上筑者，肾气动也，去术，加桂四两；吐多者，去术，加生姜三两；下多者，还用术；悸者，加茯苓二两；渴欲得水者，加术，足前成四两半；腹中痛者，加人参，足前成四两半；寒者，加干姜，足前成四两半；腹满者，去术，加附子一枚。服汤后如食顷，饮热粥一升许，微自温，勿发揭衣被。

吐利止，而身痛不休者，当消息和解其外，宜桂枝汤小和之。

（387）

桂枝^{三两，去皮} 芍药^{三两} 生姜^{三两} 甘草^{二两，炙} 大枣^{十二枚，擘}

上五味，以水七升，煮取三升，去滓，温服一升。

第十章 辨阴阳易差后劳复病脉证并治

大病差后，劳复者，枳实栀子汤主之。（393）

枳实_{三枚，炙} 栀子_{十四个，擘} 豉_{一升，绵裹}

上三味，以清浆水七升，空煮取四升，内枳实、栀子，煮取二升，下豉，更煮五六沸，去滓，温分再服，覆令微似汗。若有宿食者，内大黄如博碁子五六枚，服之愈。

大病差后，从腰以下有水气者，牡蛎泽泻散主之。（395）

牡蛎_熬 泽泻 蜀漆_{暖水洗，去腥} 葶苈子_熬 商陆根_熬 海藻_{洗，去咸}
栝楼根_{各等分}

上七味，异捣，下筛为散，更于臼中治之。白饮和服方寸匕，日三服。小便利，止后服。

大病差后，喜唾，久不了了，胸上有寒，当以丸药温之，宜理中丸。（396）

人参 白术 甘草_炙 干姜_{各三两}

上四味，捣筛，蜜和为丸，如鸡子黄许，以沸汤数合，和一丸，研碎，温服之，日三服。

伤寒解后，虚羸少气，气逆欲吐，竹叶石膏汤主之。（397）

竹叶_{二把} 石膏_{一斤} 半夏_{半升，洗} 麦门冬_{一升，去心} 人参_{二两} 甘草_{二两，炙}
粳米_{半升}

上七味，以水一斗，煮取六升，去滓，内粳米，煮米熟，汤成去米，温服一升，日三服。